

Maman!



Projet promovût di 'Il Friuli' e 'ARLeF'




LIS AVENTURIS DI VIGJI E LUMI

CJÂRS AMÏS,

se o savessis cetant content che o soi! A mancjin pôcs dîs pe tradizionâl Fiere di Sante Catarine e o soi sigûr che Daria mi menarà alì cun jê. O tachi subit a fâ la liste des robis che o volarès comprâ.

- Un pâr di **manecis** ... anzit no, fasint un calcul, vint cuatri çatis... doi pâr!s!
- Mandulis carameladis... no no, miôr crochetis carameladis!
- Une fritule... ah no! No pues, che mi soi metût sot diete!
- Une cuvierte morbide e fofe.
- La creme profumade par lustrâ il pêl.
- Un biel libri.
- Un biel golâr ros par Nadâl.

Benon, o voi a polsâ che o ai di jessi in forme par Sante Catarine!
Vigji



MANECIS
VISTIARI PES MANS.
A COVENTIN PAR
TIGNÏLIS TAL CJALT
CUANT CHE
AL FÂS
FRËT.

ZÛC



Chiara e Daria a àn di là su lis gjostris intal Zardin Grant a Udin, ma Daria no sa a decidi cualis scarpis doprà par cheste ocasion. Puedistu judâle? Segne la rispueste juste:

- scarpis cul tac
- scarpis di gjinastiche

Cjale la pontade dai 9 di Novemar dal 2018 su arlef.it par controlâ la rispueste.

Maman! al torne cun gnovis aventuris ogni setemane.

Us dîn apontament su

telefriuli




vinars aes 5.45 sot sere

LU SAVEVISO CHE...?

■ La Fiere di Sante Catarine a Udin e je la plui antighe de citât e tra lis plui antighis in Italie. E nas intal 1380, par volontât dal Patriarce Marcuart di Randeck. Vêso anje voaltris une fieste grande tal vuestri paîs?



> Tant par ridi



INDUVINE INDUVINEL

Tu sês in machine.
Ae tô çampe al è un precipizi.
Ae tô drete un camion al viaze ae tô stesse velocitât.
Devant di te al è un purcit plui grant de tô machine.
Daûr di te al è un elicotar.
Tu sintis un nasebon di fritulis.
Dulà sêstu?
Intun luna park, ve!

DISSEN

Mandinus un dissen che al conte di Maman! a maman@tvstar.com



Il dissen al è di Giorgia (5 agns) di Vildiflum.

Pagjine curade di Daria Miani e dal Sportel Regionâl pe Lenghe Furlane de ARLeF

ARLeF
AGENZIE
REGIONÂL
PE LENGHE
FURLANE